

Broj: 101- 8.963/18 HH
Zenica, 18.06.2018. godine

Na osnovu člana 32. i člana 64. stav 1, tačka b, člana 70. stav 1,3 i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj:716-8.961-1/18 HH od 18.06.2018. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU

o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj:716-8.962/18 HH od 18.06.2018. godine u postupku dodjele okvirnog sporazuma za nabavku štampanih obrazaca na papiru, i prihvata se preporuka Komisije za nabavku, da se okvirni sporazum zaključi sa ponuđačem:

Svjetlost-BH print d.o.o. Sarajevo,

kao najbolje ocijenjenom ponuđaču

prema ponudi protokolisanom pod brojem:716-8.544/18 od 05.06.2018. godine, za ponuđenu cijenu od 15.800,00KM bez uračunatog PDV-a, kao najbolje ocijenjenom ponuđaču.

II

Prijedlog okvirnog sporazuma dostaviti će se na potpis izabranom ponuđaču Svjetlost-BH print d.o.o. Sarajevo, u skladu sa članom 98. Zakona o javnim nabavkama.

III

Cijena ponude iz čl.1. ove Odluke, nakon provedene e-aukcije je umanjena za 31,66 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-7.609/18 HK od 22.05.2018. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 36 mjeseci.

Procijenjena vrijednost javne nabavke bez uračunatog PDV-a je 20.000,00KM.

Dana 22.05.2018. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-295-3-42/18, objavljena je i tenderska dokumentacija.

Poziv za preuzimanje tenderske dokumentacije broj: 713-7.609-2/18 HK od 22.05.2018. godine upućen je sljedećim ponuđačima:

1. Planjax Komerc d.o.o. Tešanj –Jelah
2. Pamuk d.o.o. Sarajevo,
3. Paper star d.o.o. Zenica,
4. Svjetlost BH print d.o.o. Sarajevo,

5. Meligrafprint d.o.o. Zenica,
6. Plan Plus d.o.o. Zenica.

Na osnovu Izvještaja o preuzimanju tenderske dokumentacije od strane ponuđača od 12.06.2018. godine u 13:05 sati, utvrđeno je da su sljedeći ponuđači preuzeli tendersku dokumentaciju:

1. Svjetlost –BH print d.o.o. Sarajevo,
2. Grafičar,
3. ekapija d.o.o.,
4. BBS Europe,
5. ALF-OM,
6. PLANJAX KOMERC,
7. Plan Plus d.o.o.,
8. Savico,
9. Grafičar d.o.o. Bihać,
10. Paper Star d.o.o.,
11. GRAFIKA ŠARAN d.o.o.,
12. Meligrafprint d.o.o. Zenica,
13. Svjetlostkomerc d.d. Sarajevo,
14. ATLANTIK BB,
15. Pamuk d.o.o. Sarajevo.

Komisija za nabavku imenovana je Odlukom broj: 101-316/18 MS od 10.01.2018. godine.

Komisija za nabavku je dana 18.06.2018. godine direktoru preduzeća dostavila Zapisnik o ocjeni ponuda broj: 716-8.962/18 HH od 18.06.2018. godine i Preporuku o izboru najpovoljnijeg ponuđača broj: 716-8.961-1/18 HH od 18.06.2018. godine, u postupku javne nabavke za nabavku štampanih obrazaca na papiru.

U postupku, prema Zapisniku o ocjeni ponuda, je utvrđeno da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 7 (sedam),
- da je blagovremeno zaprimljeno 7 (sedam) ponuda,
- da nema neblagovremeno zaprimljenih ponuda,
- ukupno preuzeto tenderske dokumentacije od strane ponuđača sa Portala javnih nabavki 15 (petnaest).

Polazeći od gore navedenih konstatacija, a shodno odredbama Zakona o javnim nabavkama, podzakonskim aktima, opštim aktima ugovornog organa i tenderskom dokumentacijom Komisija je ocijenila da:

- Ponuđač Pamuk d.o.o. Sarajevo je dostavio ponudu u vrijednosti od 25.763,40KM sa uračunatim popustom, bez PDV-a, koja prelazi procijenjenu vrijednost Odluke od 20.000,00KM bez PDV-a za predmetnu nabavku.
- Ponuđač Svjetlost-BH print d.o.o. Sarajevo je dostavio ponudu u vrijednosti od 23.120,64KM, bez PDV-a, koja prelazi procijenjenu vrijednost Odluke od 20.000,00KM bez PDV-a za predmetnu nabavku.
- Ponuđač Grafičar d.o.o. Bihać je dostavio ponudu u vrijednosti od 22.536,00KM, bez PDV-a, koja prelazi procijenjenu vrijednost Odluke od 20.000,00KM bez PDV-a za predmetnu nabavku.
- Ponuđač Meligrafprint d.o.o. Zenica je dostavio ponudu u vrijednosti od 23.374,80 KM, bez PDV-a, koja prelazi procijenjenu vrijednost Odluke od 20.000,00KM bez PDV-a za predmetnu nabavku.

Ponuđač Meligrafprint d.o.o. Zenica je, također, dostavio i Potvrdu od VTK BiH o preferencijalnom tretmanu domaćeg, a koju će ugovorni organ, u smisli čl. 67.ZJN i Odluke o obaveznoj primjeni preferencijalnog tretmana domaćeg (Sl. glasnik BiH broj: 103/14), uzeti u obzir prilikom ocjene ponuda, nakon provedene e-aukcije.

U ponudi ponuđača Savico d.o.o. Hadžići nakon provjere ispravnosti ponude, ustanovljeno je da ponuđač nije dostavio sadržaj ponude kako je traženo u tenderskoj dokumentaciji, u dijelu uslovi za učešće i potrebni dokazi, član 2 stav (a).

Obzirom na naprijed navedeno ponuda navedenog ponuđača se odbija kao formalno pravno nezadovoljavajuća na osnovu člana 68. tačka 4. stav (i) Zakona o javnim nabavkama.

Ponuđači Planjax komerc d.o.o. Tešanj, Pamuk d.o.o. Sarajevo, Svjetlost-BH print d.o.o. Sarajevo, Grafičar d.o.o. Bihać, Plan Plus d.o.o. Zenica i Meligrafprint d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju na dan 14.06.2018. godine, u terminu od 09:00 sati.

E- aukcija je održana u zakazanom terminu.

Učesnici e-aukcije su više puta mijenjali iznose svojih ponuda.

Konačne ponude, nakon završetka postupka e-aukcije su:

- Svjetlost –BH print d.o.o.Sarajevo, ponuda u iznosu od 15.800,00KM, bez PDV-a.
- Meligrafprint d.o.o. Zenica, ponuda u iznosu od 17.757,00KM, bez PDV-a.
- Plan Plus d.o.o. Zenica, ponuda u iznosu od 17.874,00KM, bez PDV-a.
- Planjax Komerc d.o.o. Zenica, ponuda u iznosu od 19.587,60KM, bez PDV-a.
- Grafičar d.o.o. Bihać, ponuda u iznosu od 22.536,00KM, bez PDV-a.
- Pamuk d.o.o. Sarajevo, ponuda u iznosu od 25.763,40KM, bez PDV-a.

Ponuđači Grafičar d.o.o. Bihać i Pamuk d.o.o. Sarajevo i nakon provedene e-aukcije premašuju procijenjenu vrijednost Odluke za ovu nabavku, a kako je to i naprijed obrazloženo, te se njihove ponude odbijaju na osnovu člana 68. stav 4, tačka (j) Zakona o javnim nabavkama.

Uvidom u priloženu dokumentaciju, konkurentskog zahtjeva za dostavu ponuda broj:713-7.609-1/18 HK–za nabavku štampanih obrazaca, a tokom preliminarog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), nije našla osnovan razlog da izrazi sumnju da je ponuđena cijena ponuđača Svjetlost-BH print d.o.o Sarajevo neprirodno niska.

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „**najniža cijena**“, prihvatljivih ponuda / ponuđača kako slijedi:

1. Svjetlost–BH d.o.o. Sarajevo,

sa ukupnom cijenom ponude od 15.800,00KM, bez uračunatog PDV-a.

2. Meligrafprint d.o.o. Zenica,

sa ukupnom cijenom ponude od 17.757,00KM, bez uračunatog PDV-a , a koja sa uračunatim preferencijalnim faktorom (10%) iznosi 15.981,30KM, bez PDV-a,

3. Plan Plus d.o.o. Zenica,

sa ukupnom cijenom ponude od 17.874,00KM, bez uračunatog PDV-a.

4. Planjax Komerc d.o.o. Zenica,

sa ukupnom cijenom ponude od 19.587,60KM, bez uračunatog PDV-a

te dala preporuku da se okvirni sporazum zaključi sa najuspješnijim ponuđačem **Svjetlost-BH print d.o.o. Sarajevo** na period od 36 mjeseci.

Iz navedenih razloga, primjenom člana 32 i člana 64. stav 1. tačka b. Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.



Direktor:

Pašalić Emir
Pašalić Emir, dipl.ing.građ.

DOSTAVLJENO:

- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1x Pom.dir.za razvoj i investicije
- 1 x Komercijalna služba
- 1x Tehnička služba
- 3 x Članovima Komisije
- 1 x Sekretar Komisije
- 1 x a/a